

張廷健編

現代倫理學

商務印書館發行

張廷健編

現代倫理學

商務印書館發行

自序

治羣之事，莫要於治羣之思想也。蓋思想爲行動之本，思想正則羣之行動亦正，思想善則羣之行動亦善。羣之行動正且善，則羣治未有不臻於隆郅者也。古今言治羣之思想者，或取物質主義，或取精神主義。歐洲大戰以前，泰西學者及一般人士，多醉心於物質主義，而以物質功利爲萬能。而其卒也，唯得一人類自相殘殺之結果耳。及大戰告終，始覺物質主義行之至於極端，不唯不能治羣，而反以害羣，不足以促文化而適以戕文化。乃棄物質主義而採精神主義，將以濟物質文明之窮矣。而還顧我國，則何如？言革新社會之士，方津津以提倡物質文明爲詞。舉數千年固有之精神文明，則缺焉而不講，甚至肆意詆毀之。以故羣衆唯知爭利而不知取義，貴物質而輕人格。卒以釀成社會之糾紛，國勢之傾危。如今日者，良可慨也。不佞有鑒於此，爰於博覽中外倫理學說之餘，折衷其間，立爲發展人格主義。取吾先哲孔孟之所道，現代心理學家之所示，用爲說明之資料，冀合現代生活之要求。

以爲昌明民族精神之一助。此則撰作本著之微意也。顧不佞學識淺陋，文字荒蕪。難發斯學之宏旨。尙祈海內明達有以正之。

民國二十二年三月十九日

著者識於北平西城誠意園

目錄

第一章 緒論.....一

一 倫理學原論與各論.....一

二 倫理學界說.....五

三 倫理研究之起源及倫理思想發達之階段.....八

四 倫理學種類.....一四

五 倫理學研究法.....一八

六 倫理研究與實踐道德之關係.....二二

七 倫理學上之問題.....二八

第二章 論良心.....三九

一 良心之意義及其本質……………三九

二 良心之內容……………四一

三 良心中之道德現象……………四三

四 良心之命令……………四六

五 良心之威權……………四七

六 良心之起源……………四九

第三章 論行爲……………五四

一 行爲成立之要素……………五四

二 意志之進行及決定……………五六

三 欲求與意志之關係……………五八

四 意志與情感之相互關係……………六〇

五 目的觀念及手段觀念之分別……………六一

六 目的與結果之關係……………六三

七 道德責人與法律責人之標準點……………六七

八 道德責任之基礎觀念……………六九

第四章 論人格……………七〇

一 倫理學所云人格……………七〇

二 人格意識之經驗……………七二

三 人格價值之情感……………七四

四 人格與物質之關係……………七五

第五章 論個性……………七九

一 總論.....七九

二 氣質.....八〇

三 習慣.....八四

第六章 至善論(上).....八七

第七章 至善論(中).....九〇

一 宗教倫理說.....九一

二 國法倫理說.....九二

三 習慣倫理說.....九四

四 聖賢崇拜說.....九五

五 權力服從說.....九六

六 社會勢力說.....九八

第八章 至善論(下).....一〇〇

一 良心直覺說.....一〇〇

二 快樂說.....一〇四

甲 肉體快樂說.....一〇五

乙 精神快樂說.....一〇七

丙 個人快樂說.....一〇八

丁 公衆快樂說.....一一一

三 進化論的快樂說.....一二三

四 滅欲存理說.....一三〇

五 實現真我說.....一三八

六 發展人格說.....一四四

第九章 義務論……………一六〇

一 義務概念與道德概念……………一六〇

二 義務與權利之關係……………一六二

三 義務存在之問題……………一六三

四 義務之絕對性與普遍性及差別性……………一六五

五 義務之本源……………一六七

六 義務之輕重……………一六八

第十章 德論……………一七〇

一 德之概念……………一七〇

二 德之永久性及變化性……………一七一

三 修德之功夫及其注意事項……………一七二

第十一章 人生觀……………一七八

一 樂天人生觀……………一七八

二 厭世人生觀……………一八一

三 改良人生觀……………一八四

附錄 現代倫理問題之研究……………一

一 倫理建設與孔孟思想……………一

二 民衆政治與民衆道德……………一七

現代倫理學

第一章 緒論

一 倫理學原論與各論

近代學術發達以來，各種科學大抵分爲原論及各論，如經濟政治之學，除經濟原論政治原論之外，更有關於經濟政治之各論。倫理之學亦不能外此例，而有原論及各論之分。倫理學原論以何爲其研究之範圍耶？是卽就人類之全生活，施以觀察，探究其普遍適用之道德標準，用以論定人生之義務者也。倫理學各論則觀察人類全生活以後，而更劃分人類生活爲各部分，用原論所立道德標準說明其意義，因而更立各部生活特需之道德標準，用以演論吾人應盡之義務。倫理學各論如何區分其標準可取之於大學所言修身齊家治國平天下之系統的倫理思想，參以世界現代之倫

理視念，則可以立個人道德論，男女道德論，家族道德論，社會道德論，國家道德論，國際道德論之六種。此六種倫理學各論所以明人之生活可分六範圍。就此六範圍而分別定其道德標準，使人遵行，庶可以完成吾人之整個道德生活。由是觀之，倫理學原論所以提道德之綱。倫理學各論所以析道德之目。綱目相繫，乃成整個之道德。吾人治倫理學而研究道德原理與其適用，自不可不先知其綱，而後及於其目。茲之所欲有事者，限於倫理學原論。至於各論非所應詳。然亦不妨將各論所立各種道德條目，舉示其概要，以爲初治斯學者之研究資料，俾其由此而得一簡明的道德觀念。

第一 個人道德 一曰對己道德，其餘則爲對人道德。分爲次之數條目：

甲 誠意正心，節情制欲。此爲個人養心道德。

乙 節飲食，慎起居，運四體，此爲個人養身道德。

丙 勤勞儉約，忍苦謹慎。此爲個人治生道德。（即個人經濟道德）

第二 男女道德 個人一身而外，其與己關係最密切者，在女子則爲夫，在男子則爲妻。故夫妻義務或男女道德尙焉。此有次之諸條目：

甲 一夫一妻 即不多妻不多夫。

乙 夫妻好合 即夫妻不反目，家庭無風波。

丙 男女雙貞 貞操爲男女雙方所應守，不獨責之於女子。

丁 男女平等 即家庭兩本位，夫妻共享權利，共負義務。

戊 經濟互助 通常男子負經濟責任，女子輔之。例外則女子亦負同等責任。

己 誠意戀愛 即不恃金錢，地位，美貌，作虛僞的交際，純以對方人格性情爲戀愛標準。

第三 家族道德 此爲對夫妻以外一切家族之道德。有次之諸條目：

甲 親慈子孝。

乙 兄友弟恭。

丙 敬宗收族。

丁 憐親恤戚。

第四 社會道德 此爲對朋友羣衆之道德。有次之諸條目：

甲 信義恭敬，謙讓任俠。此爲對朋友之道德。

乙 博愛平等，互助容忍。此爲對羣衆之道德。

第五 國家道德 此爲國家立法司法行政時對人民應守之道德。其條目如次：

甲 公平忠信。

乙 仁惠寬宏。

丙 平等自由。

第六 國際道德 此爲國與國交際時所守之道德。有次之諸條目：

甲 國際平等，國際親睦，國際信義。此爲平等國際道德。

乙 公然戰鬥，不尙暗殺，不殺非戰鬥人員，收容敵人傷兵，優待俘虜。此爲國際戰爭時應守之道德。

以上所列各種道德條目，乃參酌人性及現行社會制度而成立，而爲實際上所當身體力行者。然吾人所研究者，不在此等道德條目之詳細內容，而在其共同最高原理或最高標準。必先明其最

高原理或最高標準，乃能得其貫通之線索，運用於實際生活而無阻。此吾人研究人倫道德時，必先講述倫理學原論，而後及於其各論。

二 倫理學界說

自來治一科之學者，必首就本學之名，立一界說，以限制其所欲言之範圍，並提示其本名所涵之主要內容，使讀其書者開卷有益，而知著者之所言爲何事，已之將明者爲何物。吾人治倫理學亦何不然。自來治倫理學者界說繁多，未歸一致。甲曰倫理學研究社會風俗之學也。乙曰倫理學研究人之行爲及品格之學也。丙曰倫理學研究人生義務之學也。丁曰倫理學研究諸說善惡判斷之學也。戊曰倫理學爲研究人生理想或人生目的之學。己曰倫理學爲研究至善生活之學。雖非大謬，要皆偏而不全。今折衷各說而立界說曰：「倫理學云者，探究道德標準，並指示吾人以如何行爲，養如何品格，以達理想的至善生活之目的規範科學也。」試就此界說中所提示之主要觀念，引申於次。

(一) 道德標準 道德標準者，謂判斷行爲善惡之標準也。行爲善惡之判斷，若任世人漫然爲之，而不立一定標準，則世間之善惡將無定論，而道德亦遂以破壞。此倫理學所以首就道德標準，

而致其研究。何物可認爲道德標準乎？此後述之至善論所應詳究者也。大概言之，或以爲係快樂，或以爲係理智，或以爲係真我，或以爲係人格。所論雖不一致，要皆欲得一定標準，以爲吾人生活之正鵠，則一也。

(二) 行爲及品格 界說所言之行爲，別於動物之運動。動物之運動發於衝動，而無選擇之意志爲之主。人之行爲則有選擇意志爲之因。然人亦有發於衝動或生理作用而無選擇意志於其間之單純運動，不得稱之爲行爲者，如幼童之運動，瘋人之運動，以及普通成人夢中之運動是已。凡由選擇意志所生之行爲，方負道德責任。若無選擇意志之運動，不論屬人屬物，皆無道德責任之可言。倫理學則教人以爲如何行爲，方合於道德，爲如何行爲，乃背於道德。而應受道德之責難。夫如何行爲始合於道德，大體言之，盡義務之行爲，即爲合於道德之行爲。此後述義務論之所應詳究者也。至於品格，乃合個人之意志的習慣及天賦的氣質，而成立之心理的狀態。而其所以應受善惡之判斷者，蓋以吾人能自覺其習慣，能自知其氣質故也。能自知其習慣及氣質之不善，則宜有以改良之。若不力求其改良，是謂有意爲惡，而非道德之所許。即吾人有習慣及氣質之自覺，故人宜負品